

Izjava OHR-a na konferenciji za medije međunarodnih organizacija

Omogućiti Komisiji za restrukturiranje policije da radi svoj posao

Nedavno su date mnoge izjave u vezi rada Komisije za restrukturiranje policije (Komisija) , ali dozvolite mi da razjasnim činjenično stanje.

Visoki predstavnik je u julu dao rok Komisiji da do kraja ove godine identificira operativna, finansijska, ustavna i zakonodavna pitanja koja možda predstavljaju prepreku u stvaranju jedinstvene učinkovite policijske strukture, te predloži rješenja za probleme.

Komisija će krajem godine dostaviti izvještaj premijeru BiH i visokom predstavniku. Ovaj izvještaj će se razmotriti i proslijediti dalje u zakonodavnu proceduru na državnom nivou gdje će zastupnici u parlamentu biti u mogućnosti razmotriti preporuke i pokazati da podržavaju reformu, učinkovit rad policije u skladu sa evropskim standardima i proces pridruživanja EU.

Evropska unija je naglasila da su pravosuđe i unutrašnji poslovi u BiH, kao i restrukturiranje policije jedan od 16 ključnih uvjeta za BiH da započne pregovore o potpisivanju Sporazuma o stabilizaciji i pridruživanju. Provjera funkcionalnosti policije u BiH koju je obavila Evropska unija, te prezentirala u julu ove godine, pokazala je da su bh. policijske snage razdvojene, te da je previše uposlenih, manjak sredstava, kao i da policija nije u mogućnosti da djeluje izvan međuentitetskih linija razgraničenja.

Bh. agencije za provedbu zakona u ovom momentu se ne mogu

djelotvorno pozabaviti problemom kriminala unutar granica BiH. To znači da su izgledi o promjeni stava o zahtjevima za izdavanje viza za nosioce bh. pasoša daleki i malo vjerovatni.

Rad Komisije o restrukturiranju policije je fokusiran na predlaganje struktura koje će promovirati učinkovit rad policije u BiH. Civilno društvo i šira javnost su istog mišljenja da je kriminal problem i da policija treba biti bolje opremljena kako bi se efektivno pozabavila problemom kriminala. Javnost u BiH i civilno društvo, te odgovorni predstavnici u Parlamentu žele vidjeti bolji rad policije. Oni također žele biti dio Evrope.

Komisiju za restrukturiranje policije čine glavni bh. stručnjaci u oblasti bezbjednosti, predstavnici sva tri konstitutivna naroda i oba bh. entiteta. Sada Komisiji treba biti omogućeno da radi svoj posao.

Visoki predstavnik će se obratiti prisutnima na Berlinskoj konferenciji

Visoki predstavnik Paddy Ashdown će se sutra obratiti prisutnima na konferenciji koju je organiziralo Ministarstvo vanjskih poslova Njemačke u Berlinu pod nazivom "Iza hladnog mira: strategije za ekonomsku rekonstrukciju i post-konfliktni menadžment." Visoki predstavnik će govoriti o lekcijama izvučenim iz nedavnih rješavanja konflikta nastalih iz napora učinjenih u cilju postizanja demokratizacije, funkcionalne vladavine, pomirenja, izgradnje institucija, ekonomskog razvoja, izgradnje zajednice.

Konferenciju će otvoriti Joschka Fischer, ministar vanjskih poslova Njemačke. Nadamo se da ćemo sutra imati detaljniju izjavu visokog predstavnika. Ipak, oni koji žele znati više detalja o ovoj konferenciji, trebali bi stupiti u kontakt sa Ministarstvom vanjskih poslova Njemačke.

Visoki predstavnik sastao se sa podpredsjednicom Američko-bosanske fondacije za kulturu

Visoki predstavnik Paddy Ashdown jutros se sastao sa Joan La Bach, podpredsjednicom Američko-bosanske fondacije za kulturu. Gospođa Le Bach je u posjeti Bosni i Hercegovini kako bi distribuirala 250 kompjutera školama, te organiziranim ženskim i dječijim grupama. Ona će blisko sarađivati sa nevladinim organizacijama, kao što su Abrašević centar u Mostaru i Tutto Completo u Kaknju, kao i sa NVO koje pomažu hendikepiranima. Kompjuteri će se distribuirati kroz Ministarstvo civilnih poslova.

Američko-bosanska fondacija za kulturu radi na unapređivanju odnosa između SAD i Bosne i Hercegovine, te prikuplja novac za projekte u Bosni i Hercegovini. Visoki predstavnik je pokrovitelj organizacije.